

七•七 應該注意 ê 是，無論啥物理由 lóng thang，保守派 ê 立場—用伊各種形式來講—tī chit 世上 ê 真 chē 領域中正 tī 享受它 ê 成長期。M̄-koh，咱認為 chit 種成長 kan-taⁿ 是暫時 ê，保守派若想 hō伊 ê 立場，對當代 kah 未來解釋學兩者來講有 thang 選取 ê 所在，就一定 tiòh 改變做 koh khah 有彈性，並且對新觀念 tiòh 採取開放 ê 態度。改變 kah 成長是人 ê 性命之一部分，這 tòh 是講，嚴格 ê 保守主義注定終尾會失敗。同時，有 kóa 價值、觀點 kah 傳統對人類 kah 伊 ê 宗教生活相當有重要意義，chiah-ê koh khah tiòh 替未來 ê 世代保有(á 是保全) 落來。所以，對帶有彈性 koh 願意向別人學習 ê hiah-ê 開明保守派人士來講，iáu 是有生存餘地 ê。這 tòh 是講新教保守派對聖經 ê 理解，伊 ê 將來 iáu 須等待日後才能看出。